

【難字注音】

讀經課本

釋淨空敬題



引言

淨宗學院稟承淨空老法師指導，自二〇〇五年三月六日至十三日舉辦「幸福人生講座——《弟子規》與淨宗修學」，由蔡禮旭老師主講。這是蔡老師自行化他的心得報告，全部課程共為四十小時。

今日社會大眾物慾橫流、爾虞我詐，所思所行早已背棄倫常大道，麻木不仁。我們即使學佛多年，自性所具的真誠愛心仍無由啟發，所以修學教人皆不得受用，念念恆為貪欲、怨恨、愚痴、不平等種種邪思矇蔽，遑論來世三途苦報，現前普遍存在的身心壓力、家庭糾紛、社會競爭、世界戰亂，乃至天災人禍等無法預測的劫難，已使人心惶惶，痛苦不堪。處今亂世，唯一自救之道，即是認真力行《弟子規》與《十善業道經》。這是儒佛大道修學的基礎，如若忽略此大根大本，縱廣讀經論、日日課誦佛號萬千，修行數十年，因缺乏基

礎，亦無真實成就之理。唯有虛心受教，切實奉行，自性本具的真誠愛心方得萌芽生機。故知《十善業道經》與《弟子規》的教學，確為斷惡生善之機，亦即自救救他於無盡苦難的至善妙方。若無此根本，諸佛聖教皆流於空談，決無下手處。

有鑑於此，年近八十的淨空老法師以身作則，率領淨宗學院所有四眾同學參加全部課程。因現場上課與看聽光碟、網路學習，受用大不相同，且四十小時細講之機緣，亦百千萬劫難遭逢，參加講座同修皆深受感動，多有懺悔落淚而觸發善根者。敬祈諸位仁者務必熟讀經文，並希能百分之百落實。以此功德迴向消弭世界戰亂、化解衝突，必有不思議功德利益。謹以此文作為本書前引。

【目錄】

引言	一
雍正皇帝上諭節要	一
十善業道經	四
十善業道經節要	二三
十善業道經節要 附說十惡果報	二八
雍正皇帝上諭	四三
弟子規	五五

正視祖國大業要
發揚優良文化

蒙養民族幼苗須
多讀聖賢經書

雍正皇帝上諭節要

上諭。朕惟三教之覺民於海內也。理同出於一原。道並行而不悖。人惟不能豁然貫通。於是人各異心。心各異見。慕道者謂佛不如道之尊。向佛者謂道不如佛之大。而儒者又兼闢二氏以為異端。懷挾私心^{丁世}。紛爭角勝^{丁世}而不相下。朕以持三教之論。亦惟得其平而已矣。能得其平。則外略

形跡之異。內證性理之同。而知三教初無異旨。無非欲人同歸於善。夫佛氏之五戒十善。導人於善也。吾儒之五常百行。誘掖一獎勸。有一不引人為善者哉。昔宋文帝。問侍中何尚之曰。六經本是濟俗。若性靈真要。則以佛經為指南。如率土之民。皆淳此化。則吾坐致太平矣。何尚之對曰。百家之鄉。十人持五戒。則十人淳謹。千室之邑。百人持十善。則百人和睦。持此風教。以

周寰區。則編戶億千。仁人百萬。而能行一善。則去一惡。去一惡。則息一刑。一刑息於家。萬刑息於國。洵乎可以垂拱坐致太平矣。斯言也。蓋以勸善者。治天下之要道也。而佛教之化貪吝。誘賢良。其旨亦本於此。苟信而從之。洵可以型方訓俗。而為致君澤民之大助。其任意詆毀。妄捏為楊墨之道之論者。皆未見顏色。失平之瞽說也。特諭。

雍正十一年二月十五日

十善業道經

唐子闡三藏法師實叉難陀譯

如是我聞。一時。佛在娑竭羅龍宮。與八千大比丘眾。三萬二千菩薩摩訶薩俱。爾時世尊。告龍王言。一切眾生。心想異故。造業亦異。由是故有諸趣輪轉。龍王。汝見此會。及大海中。形色種類。各別不耶。如是一切。靡不口由心造善不善。身業語業意業所致。而心無色。

不可見取。但是虛妄。諸法集起。畢竟無主。無我我所。雖各隨業。所現不同。而實於中。無有作者。故一切法。皆不思議。自性如幻。智者知已。應修善業。以是所生蘊處界等。皆悉端正。見者無厭。

龍王。汝觀佛身。從百千億福德所生。諸相莊嚴。光明顯曜。蔽諸大眾。設無量億自在梵王。悉不復現。其有瞻仰如來身者。莫不目眩。

汝又觀此。諸大菩薩。妙色嚴淨。一切皆由。修集善業福德而生。又諸天龍八部眾等。大威勢者。亦因善業福德所生。今大海中所有眾生。形色麤鄙クマ。或大或小。皆由自心種種想念。作身語意諸不善業。是故隨業。各自受報。汝今當應。如是修學。亦令眾生了達因果。修習善業。汝當於此正見不動。勿復墮在斷常見中。於諸福田。歡喜敬養。是故汝等。亦得人天尊敬供養。

龍王當知。菩薩有一法。能斷一切諸惡道苦。何等為一。謂於晝夜常念思惟。觀察善法。令諸善法。念念增長。不容毫分。不善間雜。是即能令諸惡永斷。善法圓滿。常得親近諸佛菩薩及餘聖眾。言善法者。謂人天身。聲聞菩提。獨覺菩提。無上菩提。皆依此法。以為根本。而得成就。故名善法。此法即是。十善業道。何等為十。謂能永離殺生。偷盜。邪行。妄語。兩舌。

惡口。綺語。貪欲。瞋恚。邪見。

龍王。若離殺生。即得成就十離惱法。何等為十。一於諸眾生普施無畏。二常於眾生起大慈心。三永斷一切瞋恚習氣。四身常無病。五壽命長遠。六恒為非人之所守護。七常無惡夢。寢覺快樂。八滅除怨結。眾怨自解。九無惡道怖。十命終生天。是為十。若能迴向阿耨_三多羅三藐三菩提者。後成佛時。得佛隨心自在壽命。

復次龍王。若離偷盜。即得十種可保信法。何等為十。一者資財盈積。王賊水火及非愛子不能散滅。二多人愛念。三人不欺負。四十方讚美。五不憂損害。六善名流布。七處眾無畏。八財命色力安樂。辯才具足無缺。九常懷施意。十命終生天。是為十。若能迴向阿耨_多羅三藐三菩提者。後成佛時。得證清淨大菩提智。

復次龍王。若離邪行。即得四種智所讚法。

何等為四。一諸根調順。二永離諠掉。三世所稱
歎。四妻莫能侵。是為四。若能迴向阿耨多羅三
藐三菩提者。後成佛時。得佛丈夫隱密藏相。^{卅六}

復次龍王。若離妄語。即得八種天所讚法。
何等為八。一口常清淨。優鉢華香。二為諸世
間之所信伏。三發言成證。人天敬愛。四常以愛
語安慰眾生。五得勝意樂。三業清淨。六言無誤
失。心常歡喜。七發言尊重。人天奉行。八智慧

殊勝。無能制伏。是為八。若能迴向阿耨多羅三藐三菩提者。後成佛時。即得如來真實語。

復次龍王。若離兩舌。即得五種不可壞法。

何等為五。一得不壞身無能害故。二得不壞眷屬無能破故。三得不壞信順本業故。四得不壞法行所修堅固故。五得不壞善知識不誑惑故。是為五。若能迴向阿耨多羅三藐三菩提者。後成佛時。得正眷屬。諸魔外道不能沮壞。

復次龍王。若離惡口。即得成就八種淨業。

何等為八。一言不乖度。二言皆利益。三言必契理。四言詞美妙。五言可承領。六言則信用。七言無可譏。八言盡愛樂。是為八。若能迴向阿耨_三多羅三藐三菩提者。後成佛時。具足如來梵音聲相。

復次龍王。若離綺語。即得成就三種決定。何等為三。一定為智人所愛。二定能以智如實答

問。三定於人天威德最勝無有虛妄。是為三。若能迴向阿耨多羅三藐三菩提者。後成佛時。即得如來諸所授記。皆不唐捐。

復次龍王。若離貪欲。即得成就五種自在。何等為五。一三業自在。諸根具足故。二財物自在。一切怨賊不能奪故。三福德自在。隨心所欲物皆備故。四王位自在。珍奇妙物皆奉獻故。五所獲之物過本所求。百倍殊勝。由於昔時不慳嫉

故。是為五。若能迴向阿耨多羅三藐三菩提者。
後成佛時。三界特尊皆共敬養。

復次龍王。若離瞋恚。即得八種喜悅心法。

何等為八。一無損惱心。二無瞋恚心。三無諍訟
心。四柔和質直心。五得聖者慈心。六常作利益
安眾生心。七身相端嚴。眾共尊敬。八以和忍故
速生梵世。是為八。若能迴向阿耨多羅三藐三菩
提者。後成佛時。得無礙心。觀者無厭。

復次龍王。若離邪見。即得成就十功德法。
何等為十。一得真善意樂真善等侶。二深信因果。寧殞身命終不作惡。三唯歸依佛。非餘天等。四直心正見。永離一切吉凶疑網。五常生人天不更惡道。六無量福慧轉轉增勝。七永離邪道。行於聖道。八不起身見。捨諸惡業。九住無礙見。十不墮諸難。是為十。若能迴向阿耨多羅三藐三菩提者。後成佛時。速證一切佛法。成就

自在神通。

爾時世尊復告龍王言。若有菩薩依此善業。

於修道時能離殺害而行施故。常富財寶無能侵奪。長壽無夭。一云不為一切怨賊損害。

離不與取而行施故。常富財寶無能侵奪。最勝無比。悉能備集諸佛法藏。

離非梵行而行施故。常富財寶無能侵奪。其家直順。母及妻子。無有能以欲心視者。

離虛誑語而行施故。常富財寶無能侵奪。離
眾毀謗。攝持正法。如其誓願。所作必果。

離離間語而行施故。常富財寶無能侵奪。眷
屬和睦。同一志樂。一公恒無乖諍。

離女又麤惡語而行施故。常富財寶無能侵奪。一
切眾會歡喜歸依。言皆信受無違拒者。

離無義語而行施故。常富財寶無能侵奪。言
不虛設。人皆敬受。能善方便斷諸疑惑。

離貪求心而行施故。常富財寶無能侵奪。一切所有悉以慧捨。信解堅固具大威力。

離忿怒心而行施故。常富財寶無能侵奪。速自成就無礙心智。諸根嚴好。見皆敬愛。

離邪倒心而行施故。常富財寶無能侵奪。恒生正見敬信之家。見佛聞法供養眾僧。常不忘失大菩提心。是為大士修菩薩道時行十善業。以施莊嚴所獲大利如是。

龍王舉要言之。行十善道。以戒莊嚴故。能
生一切佛法義利。滿足大願。

忍辱莊嚴故。得佛圓音。具眾相好。

精進莊嚴故。能破魔怨。入佛法藏。

定莊嚴故。能生念慧。慚愧輕安。

慧莊嚴故。能斷一切分別妄見。

慈莊嚴故。於諸眾生不起惱害。

悲莊嚴故。愍諸眾生常不厭捨。

喜莊嚴故。見修善者。心無嫌嫉^レ。

捨莊嚴故。於順違境無愛恚心。

四攝莊嚴故。常勤攝化一切眾生。

念處莊嚴故。善能修習四念處觀。

正勤莊嚴故。悉能斷除一切不善法。成一切

善法。

神足莊嚴故。恒令身心輕安快樂。

五根莊嚴故。深信堅固。精勤匪懈。常無迷

忘。寂然調順。斷諸煩惱。

力莊嚴故。眾怨盡滅。無能壞者。

覺支莊嚴故。常善覺悟一切諸法。

正道莊嚴故。得正智慧。常現在前。

止莊嚴故。悉能滌除一切結使。

觀莊嚴故。能如實知諸法自性。

方便莊嚴故。速得成滿為無為樂。

龍王。當知此十善業。乃至能令十力無畏。

十八不共。一切佛法。皆得圓滿。是故汝等。應勤修學。龍王。譬如一切城邑聚落。皆依大地而得安住。一切藥草卉木叢林。亦皆依地而得生長。此十善道亦復如是。一切人天。依之而立。一切聲聞。獨覺菩提。諸菩薩行。一切佛法咸共依此十善大地而得成就。佛說此經已。娑竭羅龍王。及諸大眾。一切世間。天人阿修羅等。皆大歡喜。信受奉行。

十善業道經節要

釋淨空 節錄

如是我聞。一時。佛在娑竭羅龍宮。與八千大比丘眾。三萬二千菩薩摩訶薩俱。爾時世尊。告龍王言。一切眾生。心想異故。造業亦異。由是故有諸趣輪轉。龍王。汝見此會。及大海中。形色種類。各別不耶。如是一切。靡不由心造善不善。身業語業意業所致。而心無色。

不可見取。但是虛妄。諸法集起。畢竟無主。無我我所。雖各隨業。所現不同。而實於中。無有作者。故一切法。皆不思議。自性如幻。智者知己。應修善業。以是所生蘊處界等。皆悉端正。見者無厭。

龍王。汝觀佛身。從百千億福德所生。諸相莊嚴。光明顯曜。蔽諸大眾。

汝又觀此。諸大菩薩。妙色嚴淨。一切皆

由。修集善業福德而生。又諸天龍八部眾等。大威勢者。亦因善業福德所生。

汝今當應。如是修學。亦令眾生了達因果。修習善業。於諸福田。歡喜敬養。是故汝等。亦得人天尊敬供養。

龍王當知。菩薩有一法。能斷一切諸惡道苦。何等為一。謂於晝夜常念思惟。觀察善法。令諸善法。念念增長。不容毫分。不善間雜。是

即能令諸惡永斷。善法圓滿。常得親近諸佛菩薩及餘聖眾。言善法者。謂人天身。聲聞菩提。獨覺菩提。無上菩提。皆依此法。以為根本。而得成就。故名善法。此法即是。十善業道。何等為十。謂能永離殺生。偷盜。邪行。妄語。兩舌。惡口。綺語。貪欲。瞋恚。邪見。

此十善業。乃至能令六度。四無量心。四攝。三十七道品。止觀。方便。十力無畏。十八

不共。一切佛法。皆得圓滿。一切人天。依之而立。是故汝等。應勤修學。

佛說此經已。娑竭羅龍王。及諸大眾。一切世間。天人阿修羅等。皆大歡喜。信受奉行。

十善業道經節要

附說十惡果報

沙門蕩益 編訂

【戒殺生。得成十種離惱法。】

- 一、於諸眾生普施無畏。二、常於眾生，起大慈心。三、永斷一切瞋恚習氣。四、身常無病。
- 五、壽命長遠。六、恒為非人之所守護。七、常無惡夢，寢覺快樂。八、滅除怨結，眾怨自解。
- 九、無惡道怖。十、命終生天。

【犯殺生。得成十種惱法。】

- 一、於諸眾生普施有畏。
- 二、常於眾生，起大害心。
- 三、難斷一切瞋恚習氣。
- 四、身常有病。
- 五、壽命短促。
- 六、恒為非人之所惱害。
- 七、常有惡夢，寢覺不樂。
- 八、難除怨結，眾怨不解。
- 九、有惡道怖。
- 十、命終惡趣。

【戒偷盜。得成十種可保信法。】

- 一、資財盈積，王賊水火及非愛子，不能散滅。

二、多人愛念。三、人不欺負。四、十方讚美。
五、不憂損害。六、善名流布。七、處眾無畏。
八、財命色力安樂，辯才具足無缺。九、常懷施
意。十、命終生天。

【犯偷盜。得成十種不可保信法。】

一、資財縱盈積，王賊水火，及非愛子，皆能
散滅。二、多人不愛念。三、人能欺負。四、十
方毀謗。五、常憂損害。六、惡名流布。七、處

眾有畏。八、財命色力不安樂，辯才不足有缺。
九、不懷施意。十、命終惡趣。

【戒邪淫。得四種智人所讚法。】

一、諸根調順。二、永離喧掉。三、世所稱歎。
四、妻莫能侵。

【犯邪淫。得四種智人不讚法。】

一、諸根不調順。二、不離喧掉。三、世所厭
惡。四、妻常能侵。

【戒妄語。得八種人天所讚法。】

一、口常清淨，舌根優鉢花香。二、為諸世間之所信服。三、發言誠證，人天敬重。四、常以愛語，安慰眾生。五、得勝意樂，三業清淨。六、言無誤失，心常歡喜。七、發言尊重，人天奉行。八、智慧乃殊勝，無能制伏。

【犯妄語。得八種人天不讚法。】

一、口常不淨，舌根臭穢薰蒸。二、為諸世間之

所不服。三、發言不誠證，人天不敬重。四、常以惡語，惱害眾生。五、得劣意業，三業不淨。六、言常誤失，心常憂愁。七、發言輕浮，人天不奉行。八、智慧乃下劣，人能制伏。

【戒兩舌。得五種不可壞法。】

一、得不壞身，無能害故。二、得不壞眷屬，無能破故。三、得不壞信，順本業故。四、得不壞法行，所修堅固故。五、得不壞善知識，不誑惑

故。

【犯兩舌。得五種可壞法。】

一、得能壞身，有能害故。二、得能壞眷屬，有能破故。三、得能壞信，違本業故。四、得能壞法行，所修不堅固故。五、得能壞善知識，常誑惑故。

【戒惡口。得成就八種淨業。】

一、言不乖度。二、言皆利益。三、言必契理。

四、言詞美妙。五、言可承領。六、言則信用。
七、言無可譏。八、言盡愛樂。

【犯惡口。不成就八種淨業。】

一、言常乖度。二、言不利益。三、言不契理。
四、言詞粗獷。（无）五、言難承領。六、言不信用。
七、言多可譏。八、言盡不樂。

【戒綺語。得成就三種決定。】

一、定為智人所愛。二、定能以智如實答問。

三、定於人天威德最勝，無有虛妄。

【犯綺語。不成就三種決定。】

- 一、定為智人所訶^ル。二、定難以智，如實答問。
- 三、定於人天威德難最勝，定有虛妄。

附四分律酒戒一條

【戒酒。得成就十種無過失法。】

一、顏色不惡。二、不少力。三、眼視明。四、現無瞋恚相。五、不壞田業資生法。六、不致疾病。七、不益鬪訟。八、無名稱惡名流布。九、智慧不減少。十、身壞命終，不墮三惡道。

【犯酒。得成就十種過失法。】

一、顏色惡。二、少力。三、眼視不明。四、現

瞋恚相。五、能壞田業資生法。六、增致疾病。
七、能益鬪訟。八、名稱惡名流布。九、智慧減
少。十、身壞命終，墮三惡道。

【戒貪欲。得成就五種自在。】

一、三業自在，諸根具足。二、財物自在，一切
怨賊不奪。三、福德自在，隨欲物備。四、王位
自在，珍奇皆奉。五、所獲勝物，過本所求。

【犯貪欲。不成就五種自在。】

一、三業不淨，諸根不足。二、財物不自在，一切怨賊能奪。三、福德不自在，隨欲難物備。四、王位不自在，珍奇難皆奉。五、所獲劣物，非本所求。

【戒瞋恚。得八種喜悅心法。】

一、無損惱心。二、無瞋恚心。三、無諍訟心。四、柔和質直心。五、得聖慈心。六、常作利益安眾生心。七、身相端嚴，眾共尊敬。八、以和

忍故，速生梵世。

【犯瞋恚。不得八種喜悅心法。】

一、有損惱心。二、有瞋恚心。三、有諍訟心。
四、粗獷〔妄〕諂曲〔口〕心。五、得凡害心。六、不作利益
安眾生心。七、身相不端嚴，眾共不敬。八、以
粗獷〔妄〕故，速生惡趣。

【戒邪癡見。得成就十功德法。】

一、得真善意樂，真善等侶。二、深信因果，寧

損身命，終不作惡。三、惟歸依佛，非餘天等。
四、直心正見，永離一切吉凶疑網。五、常生人
天，不更惡道。六、無量福慧，轉轉增勝。七、
永離邪道，行於聖道。八、不起身見，捨諸惡
業。九、住無礙見。十、不墮諸難。

【犯邪癡見。不成就十功德法。】

一、失真善意樂，真善等侶。二、不信因果，寧
損身命終作惡。三、惟歸依外道餘天等。四、曲_く

心邪見，難離一切吉凶疑網。五、常生惡趣，不更善道。六、無量邪慧，轉轉增勝。七、永離正道，行於非道。八、常起身見，捨諸善業。九、住有礙見。十、常墮諸難。

雍正皇帝上諭

朕惟三教之覺民於海內也。理同出於一原。

道並行而不悖。人惟不能豁然貫通。於是人各異心。心各異見。慕道者謂佛不如道之尊。向佛者謂道不如佛之大。而儒者又兼闢二氏。以為異端。懷挾私心^{工世}。紛爭角勝^{斗世}。而不相下。

朕以持三教之論。亦惟得其平而已矣。能得

其平。則外略形跡之異。內證性理之同。而知三教。初無異旨。無非欲人同歸於善。夫佛氏之五戒十善。導人於善也。吾儒之五常百行。誘掖獎勸。有一不引人為善者哉。

昔宋文帝問侍中何尚之曰。六經本是濟俗。若性靈真要。則以佛經為指南。如率土之民。皆淳此化。則吾坐致太平矣。何尚之對曰。百家之鄉。十人持五戒。則十人淳謹。千室之邑。百人

持十善。則百人和睦。持此風教。以周寰區。則編戶億千。仁人百萬。而能行一善則去一惡。去一惡則息一刑。一刑息於家。萬刑息於國。洵乎可以垂拱坐致太平矣。斯言也。蓋以勸善者。治天下之要道也。

而佛教之化貪吝。誘賢良。其旨亦本於此。苟信而從之。洵可以型方訓俗。而為致君澤民之大助。其任意詆毀。妄捏為楊墨之道之論者。皆

未見顏色。失平之瞽說也。

朕居藩邸。留心內典。於性宗之學。實深領悟。御極以後。宵旰靡遑。且恐啟天下以崇尚釋教之疑。是以未嘗形之談論。欲俟庶政漸理。始舉三教合一之旨。提撕警覺。以明互相詆毀者之非。今邇十年矣。聽政餘暇。偶將朕之所見。並昔人論說數條。舉以示天下之學道者。

一。古人有曰。周孔六經之訓。忠孝履其

端。李老二篇之言。道德創其首。瞿曇くわんとん三藏之文。慈悲為其本。事跡雖異。理數不殊。皆可崇可慕者。

二。又有曰。儒以正設教。道以尊設教。佛以大設教。觀其好生惡殺。則同一仁也。視人猶己。則同一公也。懲忿ちやうふん塞欲さいよく。禁過防非。則同一操修也。

三。又有曰。以佛治心。以道治身。以儒治

世。

四。又有曰。佛之言性。與諸書同。聖人同。其性則廣為道德。人能同誠其心。同齋戒其身。同推德於人。則可以福吾親。可以資吾君之安天下。

五。又有曰。佛之道與王道合。王者。皇極也。皇極者。中道之謂也。佛之道亦曰中道。不偏不邪。其旨相同。

六。又有曰。佛教之設。使人棄華而就實。背偏而歸善。由力行而造於安行。由自利而至於利彼。其為生民之所依歸者，無以加矣。

七。又有曰。人謂釋氏惟務上達而無下學。不思釋氏之六波羅蜜。由禪定而到彼岸。豈非下學上達之旨乎。

八。又有曰。天下無二道。聖人無兩心。蓋道者。先天地而生。互《公》古今而常存。聖人得道

之真以治身。以其緒餘土苴^{土下}治天下國家。豈不大哉。

故聖人。或生於中國。或生於西方。或生於東夷。西夷。生雖殊方。而其得道之真。若合符契。未始殊也。以上八條。皆於聖賢之理。同流共貫。未見其為謬異也。

三教雖各具治心。治身。治世之道。然各有所專。其各有所長。各有不及處。亦顯而易見。

實缺一不可者。

夫習釋道之學。雖有偏有正。而習儒者之學。亦有真有偽。即如釋中以狂空欺世。道中以邪術愚人。是固釋道之罪人也。亦如儒中博覽詩書。高談仁義。而躬蹈亂臣賊子之行者。謂非名教之罪人乎。

若掩人之長。而斥其短。隱己之短。而誇其長。互相肆口詆排者。皆私詐小人形態。非仁人

君子。懷德抱道之所為。亦徒見其不自量耳。

數年來。有請嚴禁私自剃度者。有請將寺觀《寺》改為書院者。有縣令無故毀廟逐僧者。甚至有請僧尼悉行配合夫婦。可廣增人丁者。悖理妄言。惑亂國是。不思鰥寡孤獨《孤》。為國家所矜恤。彼既立愿出家。其意亦為國家。蒼生。修福田耳。乃無故強令配合以拂其性。豈仁君治天下者之所忍為乎。因皆下愚小輩。朕亦未窮治其妄誕之罪。

至於品類不齊。其中違理犯科者。朝廷原有懲創之條。而其清修苦行。精戒明宗者。則為之護持。其邪說外道。則嚴加懲治。如道忒_ト。行峰之紀載謬妄。法藏。弘忍之魔說猖狂。朕悉降旨指摘。決不令混冒正法。以致真偽罔辨也。朕於三教同原之理。探溯淵源_ト。公其心而平其論。令天下臣庶佛仙弟子。有各挾私心_ト。各執己見。意存偏向。理失平衡者。夢覺醉醒焉。故委曲宣示。

以開愚昧。凡有地方責任之文武大臣官員。當誠是朕旨。加意護持出家修行人。以大公同善之治。特諭。

弟子規

【總 敘】

① 弟子規 聖人訓 首孝弟 次謹信

汎愛眾 而親仁 有餘力 則學文

【入則孝】

② 父母呼 應勿緩云 父母命 行勿懶

父母教 須敬聽 父母責 須順承

③ 冬則溫 夏則清云 晨則省 昏則定

出必告_{ㄍㄨㄛˋ}

反必面

居有常

業無變

④ 事雖小

勿擅為

苟擅為

子道虧

物雖小

勿私藏

苟私藏

親心傷

⑤ 親所好

力為具

親所惡

謹為去

身有傷

貽_{ㄇㄣˊ}親憂

德有傷

貽_{ㄇㄣˊ}親羞

親愛我

孝何難

親憎_{ㄉㄨㄥ}我

孝方賢

⑥ 親有過

諫使更_{ㄍㄨㄛˋ}

怡吾色

柔吾聲

諫不入

悅復諫

號_{ㄏㄠˋ}泣隨

撻無怨

⑦ 親有疾 藥先嘗 晝夜侍 不離床

喪_全三年 常悲咽 居處_多變 酒肉絕

喪_全盡禮 祭盡誠 事死者 如事生

【出則弟】

⑧ 兄道友 弟道恭 兄弟睦 孝在中

財物輕 怨何生 言語忍 忿自泯

⑨ 或飲食 或坐走 長者先 幼者後

長呼人 即代叫 人不在 己即到

⑩ 稱尊長

勿呼名

對尊長

勿見能_{工分}

路遇長

疾趨揖_一

長無言

退恭立

騎下馬

乘下車_出

過猶待

百步餘

⑪ 長者立

幼勿坐

長者坐

命乃坐

尊長前

聲要低

低不聞

卻非宜

進必趨

退必遲

問起對

視勿移

⑫ 事諸父

如事父

事諸兄

如事兄

【謹】

⑬ 朝起早 夜眠遲 老易至 惜此時

晨必盥 兼漱口 便溺回 輒淨手

⑭ 冠必正 紐必結 襪與履 俱緊切

置冠服 有定位 勿亂頓 致污穢

⑮ 衣貴潔 不貴華 上循分 下稱家

對飲食 勿揀擇 食適可 勿過則

年方少 勿飲酒 飲酒醉 最為醜

⑯ 步從容 立端正 揖一深圓 拜恭敬

勿踐闕ハ

勿跛倚ム

勿箕踞

勿搖髀ム

①⑦ 緩揭簾

勿有聲

寬轉彎

勿觸稜カ

執虛器

如執盈

入虛室

如有人

事勿忙

忙多錯

勿畏難

勿輕略

鬥鬪場

絕勿近

邪僻事

絕勿問

①⑧ 將入門

問孰存

將上堂

聲必揚

人問誰

對以名

吾與我

不分明

用人物

須明求

倘不問

即為偷

借人物 及時還 後有急 借不難

【信】

①9 凡出言 信為先 詐與妄 奚可焉

話說多 不如少 惟其是 勿佞巧

奸巧語 穢污詞 市井氣 切戒之

②0 見未真 勿輕言 知未的勿 勿輕傳

事非宜 勿輕諾 苟輕諾 進退錯

凡道字 重且舒 勿急疾 勿模糊

彼說長 此說短 不關己 莫閒管

⑳ 見人善 即思齊 縱去遠 以漸躋_レ

見人惡 即內省 有則改 無加警

㉑ 唯德學 唯才藝 不如人 當自礪

若衣服 若飲食 不如人 勿生感

㉒ 聞過怒 聞譽樂 損友來 益友卻

聞譽恐 聞過欣 直諒士 漸相親

㉓ 無心非 名為錯 有心非 名為惡

過能改

歸於無

倘揜云飾

增一辜

【汎愛眾】

②5 凡是人

皆須愛

天同覆

地同載下

②6 行高者上云

名自高

人所重

非貌高

才大者

望自大

人所服

非言大

②7 己有能

勿自私

人所能

勿輕訾下

勿諂富

勿驕貧

勿厭故

勿喜新

人不閒

勿事攬

人不安

勿話擾

②8 人有短 切莫揭 人有私 切莫說

道人善 即是善 人知之 愈思勉

揚人惡 即是惡 疾之甚 禍且作

善相勸 德皆建 過不規 道兩虧

②9 凡取與 貴分曉 與宜多 取宜少

將加人 先問己 己不欲 即速已

恩欲報 怨欲忘 報怨短 報恩長

③0 待婢僕二 身貴端 雖貴端 慈而寬

勢服人 心不然 理服人 方無言

【親仁】

③1 同是人 類不齊 流俗眾 仁者希

果仁者 人多畏 言不諱 色不媚

能親仁 無限好 德日進 過日少

不親仁 無限害 小人進 百事壞

【餘力學文】

③2 不力行 但學文 長出先浮華 成何人

但力行 不學文 任己見 昧理真

③③ 讀書法 有三到 心眼口 信皆要

方讀此 勿慕彼 此未終 彼勿起

寬為限 緊用功 工夫到 滯塞通

心有疑 隨札記 就人問 求確義

③④ 房室清 牆壁淨 几案潔 筆硯正

墨磨偏 心不端 字不敬 心先病

列典籍 有定處 讀看畢 還原處

雖有急 卷束齊 有缺壞 就補之
非聖書 屏勿視ウ云 蔽聰明 壞心志
勿自暴 勿自棄 聖與賢 可馴致

出版聲明

一、本會出版之一切書籍，免費結緣，禁止販售，歡迎翻印流通，但請勿增刪內容。如欲翻印此書，本會圖書組（amtb9@amtb.tw）可提供最新版本資料，或至「淨空法師專集網站」查詢。

二、諸位仁者若發現此書內容、文字有訛誤之處，尚祈不吝賜教為盼！

華藏淨宗學會圖書組

◎佛教是佛陀對九法界眾生至善圓滿的教育。

◎釋迦四十九年所說的一切經，內容就是說明宇宙人生的真相。人生就是自己，宇宙就是我們生活的環境。

◎知覺名佛菩薩，不覺名凡夫。

◎修行就是將我們對宇宙人生錯誤的看法、想法、說法、做法，加以修正。

◎佛教的修行綱領是覺、正、淨——覺而不迷，正而不邪，淨而不染，並依戒、定、慧三學，以求達到此目標。

◎修學的基礎是三福，待人依六和，處世修六度，遵普賢願，歸心淨土，佛之教化能事畢矣。